

SCRIPT OF MORNING GOJRI NEWS BULLETIN 13OCT 1015 HRS

ما رنینگ گو جری نیو ز بلٹین مو رخہ 13 اکتوبر 2025

یوہ آکا شوانی جموں ہے عبدالرحمان تیں خبر سٹو۔

BY ELECTION NOTIFICATION

بھارتیہ چناؤ کمیشن غی طرفوں جموں کشمیر غا اسمبلی حلقاں نمبر 27 بڈگام تے 77 نگروٹہ غا ضمنی انتخابات واسطے اج نوٹفیکیشن جاری کی جے گی شڈیول غے مطابق ان دواں اسمبلی حلقاں مانہ ووت 11 نومبر نانہ کہلیا جیں گا تے ووٹاں غی گنتری 14 نومبر نانہ وے گی کاغزات نامزدگی جمع کروان غی آخری تاریخ 20 مقرر کی گئی ہے کاغزات غی جانچ پڑتال 22 اکتوبر نانہ وے گی تے کاغزات نامزدگی واپس لین غی آخری تاریخ 24 اکتوبر ہے واضع رہ جے نگروٹہ اسمبلی حلقہ غی نشست بی جے پی گا ایم ایل اے دوندرا سنگھ رانہ غی موت غے بعد خالی ہوئی جد وزیر اعلیٰ عمر عبداللہ نے بڈگام غی سیٹ خالی کر غے گاندربل اسمبلی حلقہ اپنا واسطے برقرار رکھی۔

RS CANDIDATE NOMINATION

بھارتیہ جنتا پارٹی تے نیشنل کانفرنس دواں جماعتاں گا امیدوار آن آلا راجیہ سبھا انتخابات واسطے اج اپنا کاغزات نامزدگی جمع کرواؤنگا بی جے پی غا امیدوار ست شرما راکیش مہاجن تے ڈاکٹر علی محمد میر اپنا کاغزات نامزدگی سول سکرٹریٹ سرینگر مانہ جمع کرواؤنگا جن غے ہمراہ بی جے پی گا 28 ممبران اسمبلی تے سننیر پارٹی لیڈرونگا نیشنل کانفرنس غا امیدوار چوہدری محمد رمضان شمسی اوبراے تے سجاد کچلو وی اج اپنا کاغزات نامزدگی جمع کرواؤنگا واضع رہ جے راجیہ سبھا غی نشستیں واسطے انتخابات 24 اکتوبر نانہ مقرر ہیں جن واسطے چناؤ کمیشن نے ترے نوٹفیکیشن جاری کی ہیں۔

LG DELEGATIONS

لیفٹیننٹ گورنر منوج سنہا غے سنگ جموں مانہ بہت سارہ وفداں نے ملاقات کی تے عوامی پہلائی و سماجی اقدامات ور تبادلہ خیال کیو مہا مہم آچاریہ ڈاکٹر لوکیش مونی جی بانی اہنسا وشو بھارتی تے عالمی امن مرکز نے لیفٹیننٹ گورنر نانہ امن ہم وئنگی تے بین المذاہب مکالمہ غا فروغ واسطے اپنی کوشاں بارے واقف کرايو۔ تے اہنسا ویشو بھارتی غا جموں کشمیر چیئر گا قیام غا منصوبہ بارے وی بات کی ایک ہور ملاقات مانہ بی جے پی گا ترجمان ایڈوکیٹ ناگبنی غی سابقہ سرپنچ محترمہ وندنا کماری نے وی لیفٹیننٹ گورنر سنگ ملاقات کی۔

SATISH GULMARG

نوجوانان بارے خدمات تے کھیڈاں گا وزیر ستیش شرما نے کل زبرون لیجنڈ سیریز 2025 مانہ شرکت کی جھڑی ایک بین العقوامی ڈھلوان پہاڑی بانکنگ چیمپینشپ ہے جھڑہ گلمرگ مانہ منعقد ہوئی اس تقریب غو اہتمام زبرون فاؤنڈیشن غی طرفوں کیو گیو تے جموں کشمیر مانہ اپنی نوعیت غو یوہ پہلو عالمی مقابلو ہے وزیر موصوف نے اس تقریب نانہ نوجوانان تے مہماتی سیاحت واسطے ایک سنگ میل قرار دیتا واک حکومت غی طرفوں ایسی سرگرمیاں غی حمایت ور زور دتو دنیا بھر تیں نامور رائڈز یعنہ کہ سواری کرن آلاں نے اس مانہ حصولیو وزیر موصوف ستیش شرما نے پُر جوش نوجوانان سنگ وی ملاقات کی تے انہاں نانہ آوٹ دور یعنی کہ بیرون خانہ کھیڈاں نانہ بطور پیشہ اختیار کرن غی ترغیب دتی۔

VIKSIT BHARAT BUILDATHON

بھارت گو سب تیں بڑو سکول بلڈاتھان 2025 اج سویرے 10 بجے تیں رات 11 بجے توڑی منعقد ہو رہیو ہے یوہ پروگرام وزارت تعلیم غی طرفوں اٹل جوتی مشن تے نیتی آیوگ گا اشتراق سنگ منعقد کیو جارہیو ہے یاہ تقریب چھٹی تیں بارہویں جماعت غا طلباء نانہ مدعو کرے تانجے وے آتم نربہر بھارت سوادیشی ووکل فار لوکل تے سمردھ بھارت جیسا موضوعات ب ور اپنی اختراعی

صلاحیت پیش کرسکیں اس پروگرام غو مقصد سکول سطحوں تخلیقی سوچ تے مسئلہ حل کرن غی
صلاحیت نانہہ فروغ دینو ہے اس تقریب مانہہ 1 کروڑ روپیاں گا انعامات رکھیا گیا ہیں اس پروگرام
ور برائے راست نشر کیو جارہیو ہے۔ schoolinnovationmarathon.org تے vbb.mic.gov.in نانہہ

CS NABARD

چیف سیکرٹری اٹل ٹلو نے ایک اعلیٰ سطحی کمیٹی غی صدارت کی تانجے نابارڈ غے تحت دیہی
ٹہانچاں ترقیاتی فنڈ آر آئی ڈی ایف مانہہ ہون آلی پیش رفت گو جائیزو لیو جاسکے اُنہاں نے جاری
پروجیکٹاں غی بروقت تکمیل ور زور دتو محکماں نانہہ ہدایت دتی جے وے 2025-26 واسطے قابل
عمل تجاویز جلد از جلد پیش کریں واضع رہ جے ہون تک 1426 منصوباں نانہہ 7 ہزار کروڑ روپیاں
غی لاگت آلا منظوری دتی جاچکی ہے جن ور 36 فی صد اخراجات مکمل ہو چکا ہیں۔

BSF INFILTRATION

سرحدی حفاظتی دستاں یعنی کہ بی ایس ایف غی طرفوں کنٹرول لائین ور اپنی نگرانی مانہہ آجافو
کیو گیو ہے کیونجے موسم سرما غے دوران دراندازی غی کوششاں مانہہ باہدو گو خدشو ظاہر کیو
گیو ہے بی ایس ایف غا اڈیشنل ڈائریکٹر جنرل ستیش ایس کھنڈرے نے بانڈی پورہ مانہہ وولر
2 عشاریہ صفر میراتھن سنگ خطاب کرتا واں دسیو جے خفیہ اطلاعات غے مطابق دہشت گرد سرحد
غے اُس پار لانچ پیڈ ور دراندازی غا منتظر ہیں اُنہاں نے یقین دوايو جے بی ایس ایف تے فوج غا
دستہ کسے وی دراندازی غی کوشش نانہہ ناکام بنان واسطے ہائی الرٹ ور چکنا ہیں یوہ میرا تھن
جہڑو بی ایس ایف تے زیر اہتمام منعقد ہوو اس مانہہ نوجواناں تے خواتین نے جوش و خروش سنگ
حصو لیو۔
